

**Bosna i Hercegovina
Federacija Bosne i Hercegovine
Unsko-sanski kanton
Grad Cazin
GRADSKO VIJEĆE**



**Bosnia & Herzegovina
Federation of Bosnia & Herzegovina
Una-Sana Canton
City of Cazin
CITY COUNCIL**

Broj:01/GV-31-8903/19
Datum:09.08.2019.godine

Na osnovu člana 8. i člana 13. Zakona o principima lokalne samouprave u Federaciji BiH („Službene novine F BiH“, broj: 49/06), člana 12. i 21. Zakona o lokanoj samoupravi Unsko-sanskog kantona („Službeni glasnik USK-a“, broj: 8/11), člana 24. stav 1. Zakona o unutarnjoj trgovini („Službene novine F BiH, broj: 40/10, 79/17), člana 11. stav 2. Zakona o ugostiteljskoj djelatnosti („Službene novine F BiH“, broj: 32/09), člana 40. Zakona o obrtu i srodnim djelatnostima („Službene novine F BiH“, broj: 35/09, 42/11), člana 61., 83. i 102. Zakona o igrama na sreću („Sl. novine F BiH“, broj: 48/15) a u vezi člana 54. Zakona o radu („Sl. novine F BiH“, broj: 26/16), člana 8. i 25. Statutarne odluke o organizaciji Grada Cazin u skladu sa Zakonom o Gradu Cazin („Službene novine Grada Cazin“, broj: 1/17) i člana 118. Statuta Općine Cazin („Službeni novine Općine Cazin“, broj: 13/10), Gradsko vijeće Grada Cazin na XX sjednici, održanoj dana 09.08.2019.godine, donijelo je

ODLUKU

**o utvrđivanju radnog vremena ugostiteljske, trgovinske, obrtničke i srodne djelatnosti,
kao i djelatnosti igara na sreću na području Grada Cazin**

I – OPĆE ODREDBE

Član 1.

Ovom Odlukom utvrđuje se radno vrijeme i raspored radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, te djelatnosti igara na sreću na području Grada Cazin.

Član 2.

Pravna i fizička lica koja obavljaju djelatnosti navedene u članu 1. ove Odluke (osim poljoprivredne djelatnosti), dužna su da donesu svoje odluke o rasporedu početka i završetka radnog vremena, odmoru u toku radnog vremena i neradnim danima u skladu sa Zakonom, ovom Odlukom i drugim propisima koji regulišu ovu oblast.

Član 3.

Pravna i fizička lica koja obavljaju djelatnost iz člana 1. ove odluke dužna su:

- istaknuti obavijest o radnom vremenu na vidnom mjestu na ulazu u poslovne prostorije,
- pridržavati se istaknutog rasporeda radnog vremena, a ako ne rade iz opravdanih razloga moraju istaknuti obavještenje na ulazu u poslovne prostorije.

Član 4.

Radno vrijeme objekata u kojima se obavljaju djelatnosti iz člana 1. ove Odluke raspoređuje se na ljetni i zimski vremenski period:

- a) Ljetni vremenski period traje od 01. aprila- 30. septembra;
- b) Zimski vremenski period traje od 01. oktobra tekuće godine do 31. marta naredne godine.

II – RADNO VRIJEME UGOSTITELJSKE DJELATNOSTI

Član 5.

U objektima u kojima se obavlja ugostiteljska djelatnost (osim objekata iz člana 6. i 10. ove Odluke) određuje se da isti mogu raditi:

- a) u zimskom vremenskom periodu od 06,00-23,00 sata, a u dane vikenda (petak, subota) od 06,00-24,00 sata;
- b) u ljetnom vremenskom periodu od 06,00-24,00 sata, osim od 01.06. do 31.08. kada mogu raditi od 06,00-01,00 sat narednog dana;

Član 6.

Radno vrijeme ugostiteljskih objekata iz skupine barovi (noćni klub, noćni bar, disco bar i disco klub) koji u skladu sa važećim propisima u pravilu rade noću, određuje se od 20,00 sati tekućeg dana do 03,00 sata narednog dana.

Član 7.

(1) Nakon isteka radnog vremena zabranjeno je zadržavanje lica u objektu osim uposlenika tog objekta.

(2) Svi ugostiteljski objekti moraju ispunjavati posebne uslove iz Zakona o zaštiti od buke.

Član 8.

(1) Ugostiteljski objekti u kojima se organizuju prigodne svečanosti i zabave različitog sadržaja (party, svadbe, rođendani, maturske svečanosti, godišnjice, kulturni programi i sl.) mogu tražiti produženje radnog vremena najkasnije do 03.00 sata narednog dana, o čemu Služba za privredu donosi posebno rješenje.

(2) Izuzetno od odredbi iz stava 1. ovog člana, ako ugostitelj ima namjeru da organizuje prigodne svečanosti i zabave različitog sadržaja kroz više dana, može tražiti produženje radnog vremena za svaki od tih dana koji će biti naznačeni, što će se utvrditi jednim rješenjem o utvrđivanju radnog vremena, s tim što vremenski period koji se može obuhvatiti jednim rješenjem je maksimalno mjesec dana.

(3) Prilikom donošenja rješenja o utvrđivanju produženog radnog vremena iz stava 1. ili stava 2. ovog člana, Služba za privredu dužna je da se pridržava slijedećih kriterija:

a) da se ugostiteljski objekat ne nalazi u stambeno-poslovnoj zgradi kolektivnog stanovanja, izuzev ukoliko svojim radom ne narušava javni red i mir, pridržava se propisanog radnog vremena i ima pribavljenu saglasnost 51% stanara koji žive u stanovima u zgradi kolektivnog stanovanja, koja uključuje i obaveznu saglasnost stanara čiji je stan neposredno uz ili iznad ugostiteljskog objekta, te kao takva i potpisana od strane ovlaštenog upravitelja zgrade;

b) da ugostitelj nije pravosnažno kažnjavan za prekršaj prekoračenja radnog vremena i za narušavanje javnog reda i mira u objektu za koji se traži produženje radnog vremena, što se dokazuje potvrdom/uvjerenjem nadležnog organa;

c) da ugostitelj izmiruje redovno sve propisane obaveze (porezne obaveze i obaveze po osnovu komunalne naknade i komunalne takse), što dokazuje potvrdom/uvjerenjem nadležnih organa;

d) da ugostitelj uplati administrativnu taksu za postupak donošenja rješenja o utvrđivanju produženog radnog vremena;

(4) Ugostitelj u čijem objektu se organizuje prigodna svečanost i zabava različitog sadržaja, obavezan je da zahtjev sa popratnom dokumentacijom dostavi najkasnije sedam dana prije organizovanja svečanosti.

(5) Služba za privredu će izdati rješenje o odobrenju za produženje radnog vremena iz stava 1. ili stava 2. ovog člana, a ugostitelj na kojeg se odnosi rješenje je obavezan pismeno prijaviti produženje radnog vremena Policijskoj upravi II Cazin.

Član 9.

Radno vrijeme ugostitelja u objektima u kojima se obavlja neka druga djelatnost (kulturna, obrazovna, sportska, trgovačka i sl.) utvrđuje se u skladu sa radnim vremenom tog objekta, ali ne dužim od radnog vremena utvrđenog ovom Odlukom.

Član 10.

Hoteli, moteli, pansioni, prenoćišta i drugi objekti koji pružaju usluge smještaja i to odjel prijemnog hola-recepcije, mogu svoje radno vrijeme organizovati od 00,00 do 24,00 sata.

Član 11.

Na dan državnih praznika (1.mart-Dan nezavisnosti i 25.novembar-Dan državnosti) sve ugostiteljska djelatnosti obuhvaćene ovom Odlukom (osim iz člana 10.) ne rade.

Član 12.

Na prvi dan vjerskih praznika (ramazanski i kurban bajram), sve ugostiteljske djelatnosti obuhvaćene ovom Odlukom (osim iz člana 10.) ne rade.

III - RADNO VRIJEME OBRTNICKE I SRODNE DJELATNOSTI

Član 13.

(1) Obrtničkom i srodnom djelatnošću u smislu ove Odluke, smatraju se djelatnosti utvrđene Zakonom o obrtu i srodnim djelatnostima („Sl.novine F BiH“, broj: 35/09, 42/11), Uredbom o

vezanim i posebnim obrtima („Sl.novine F BiH“, broj: 16/12), Uredbom o zaštiti tradicionalnih i starih obrta („Sl.novine F BiH“, broj: 66/09, 38/10 i 16/12), Pravilnikom o djelatnostima koje se mogu obavljati u stambenim prostorijama i izvan poslovnih i stambenih prostorija („Sl.novine F BiH“, broj: 12/12) i Pravilnikom o djelatnostima koje se mogu obavljati kao domaća radinost („Sl.novine F BiH“, broj: 12/12).

(2) U objektima u kojima se obavljaju obrtničke i srodne djelatnosti određuje se da iste mogu raditi:

a) u zimskom vremenskom periodu od 07,00-21,00 sata;

b) u ljetnom vremenskom periodu od 07,00-22,00 sata;

(3) U okviru radnog vremena utvrđenog u stavu 1. ovog člana, vlasnik obrta/srodne djelatnosti može slobodno organizovati svoje poslovanje u jednokratnom ili dvokratnom radnom vremenu.

(4) Izuzetak od odredbi iz stava 2. ovog člana su slijedeće obrtničke i srodne djelatnosti:

a) za obrte za proizvodnju kruha-pekare, taksi prijevoznike i ostale prijevoznike radno vrijeme se može organizirati od 00,00 do 24,00 sati;

Član 14.

(1) Na dan državnog praznika kada se ne radi jedan dan, sve obrtničke i srodne djelatnosti obuhvaćene ovom Odlukom ne rade, osim obrta i srodnih djelatnosti iz člana 13. stav 4. ove Odluke za koje je radno vrijeme utvrđeno navedenim članom.

(2) Za vrijeme državnog praznika kada se ne radi dva dana, drugi dan mogu raditi sve obrtničke i srodne djelatnosti obuhvaćene ovom Odlukom od 12,00 sati, osim obrta i srodnih djelatnosti iz člana 13. stav 4. ove Odluke za koje je radno vrijeme utvrđeno navedenim članom.

Član 15.

Na prvi dan vjerskih praznika (ramazanski i kurban bajram), sve obrtničke i srodne djelatnosti obuhvaćene ovom Odlukom ne rade, osim obrta i srodnih djelatnosti iz člana 13. stav 4. ove Odluke za koje je radno vrijeme utvrđeno navedenim članom.

Član 16.

Odredbes ove Odluke neće se primjenjivati na poljoprivrednu djelatnost kao srodnu djelatnost zbog prirode obavljanja iste.

IV - RADNO VRIJEME DJELATNOSTI IGARA NA SREĆU

Član 17.

Radno vrijeme objekata u kojima se priređuju igre na sreću (igre u kasinu, igre na automatima u posebnim klubovima i igre klađenja na sportske rezultate i druge neizvjesne događaje-kladionice, utvrđeno je odredbama člana 61., 83. i 102. Zakona o igrama na sreću („Sl.novine F BiH“, broj: 48/15).

V - RADNO VRIJEME TRGOVINSKE DJELATNOSTI

Član 18.

Pod trgovinskom djelatnosti u smislu ove Odluke, smatraju se slijedeće djelatnosti:

- a) trgovina na malo (prodavnica, samoposluga, dragstor, diskontna prodavnica, butik, robna kuća, kiosk, benzinska stanica, tržnica na malo/pijaca i sl.);
- b) trgovina na veliko (skladišta, stovarišta i sl.);
- c) apoteke;

Član 19.

(1) U objektima u kojima se obavljaju trgovinske djelatnosti određuje se da iste mogu raditi:

- a) u zimskom vremenskom periodu od 07,00-21,00 sata;
- b) u ljetnom vremenskom periodu od 07,00-22,00 sata;

(2) U okviru radnog vremena utvrđenog u stavu 1. ovog člana, vlasnik trgovinske djelatnosti može slobodno organizovati svoje poslovanje u jednokratnom ili dvokratnom radnom vremenu.

(3) Izuzetak od odredbi iz stava 1. ovog člana su slijedeće trgovinske djelatnosti:

- a) za trgovinske objekte tipa „dragstor“ utvrđuje se radno vrijeme od 00,00 do 24,00 sati;
- b) za benzinske pumpe i apoteke radno vrijeme se može organizirati od 00,00 do 24,00 sati;

Član 20.

Radno vrijeme tržnica na malo - pijaca određuje se tržišnim redom koji donose trgovci koji pružaju usluge tržnica na malo - pijaca i na koji saglasnost daje nadležni organ lokalne samouprave.

Član 21.

Za trgovinske objekte tipa: samoposluge „minimarket“, „hipermarket“ i „supermarket“, kao i trgovinske objekte tipa: skladišta ili stovarišta, utvrđuje se da radno vrijeme nedjeljom može se organizirati od 07,00 do 14,00 sati.

Član 22.

(1) Na dan državnog praznika kada se ne radi jedan dan, sve trgovinske djelatnosti obuhvaćene ovom Odlukom ne rade, osim trgovinskih djelatnosti iz člana 19. stav 3. ove Odluke za koje je radno vrijeme utvrđeno navedenim članom.

(2) Za vrijeme državnog praznika kada se ne radi dva dana, drugi dan mogu raditi sve trgovinske djelatnosti obuhvaćene ovom Odlukom od 12,00 sati, osim trgovinskih djelatnosti iz člana 19. stav 3. ove Odluke za koje je radno vrijeme utvrđeno navedenim članom.

Član 23.

Na prvi dan vjerskih praznika (ramazanski i kurban bajram), sve trgovinske djelatnosti obuhvaćene ovom Odlukom ne rade, osim trgovinskih djelatnosti iz člana 19. stav 3. ove Odluke za koje je radno vrijeme utvrđeno navedenim članom.

VI - OGRANIČAVANJE RADNOG VREMENA

Član 24.

(1) Ako se obavljanjem ugostiteljske, trgovinske, obrtničke i srodne djelatnosti uznemiravaju građani koji rade ili stanuju u susjedstvu Služba za privredu može po prethodno pribavljenom mišljenju Policijske uprave II Cazin ograničiti radno vrijeme u objektima obavljanja tih djelatnosti.

(2) Izuzetno do odredbi prethodnog stava ovog člana, ne može se ograničiti radno vrijeme obrtničke ili srodne djelatnosti koje se zbog prirode tehnološkog procesa moraju obavljati u kontinuitetu.

(3) Prilikom donošenja rješenja o utvrđivanju kraćeg radnog vremena Služba za privredu dužna je da se pridržava slijedećih kriterija:

a) da je objekt (poslovni prostor) u kojem se obavlja navedena djelatnost dio stambeno-poslovne zgrade kolektivnog stanovanja, ili se nalazi u naselju za individualno stanovanje, ili je u blizini zdravstvenih ili obrazovnih objekata;

b) da je tokom godine najmanje dva puta kažnjavan, pravosnažnim rješenjem nadležnog suda za prekršaje (ili prekršajnim nalogom) zbog prekoračenja dozvoljenog radnog vremena ili narušavanja javnog reda i mira obavljanjem navedene djelatnosti;

c) da se u objektu obavljanje navedenih djelatnosti ili njegovoj neposrednoj blizini učestalo narušava javni red i mir, vrši uživanje i prodaja narkotičkih sredstava i druga društveno negativna ponašanja, o čemu postoje zapisnici i izvještaji nadležnih organa;

d) da se u objektu obavljanja navedenih djelatnosti učestalo ne poštuje radno vrijeme, o čemu postoje zapisnici ili izvještaji nadležnih organa o povredama ove Odluke;

(4) Za donošenje rješenja o utvrđivanja kraćeg radnog vremena od propisanog, Službi za privredu je dozvoljeno da utvrdi ispunjenost najmanje dva kriterija iz člana 24. ove Odluke.

Član 25.

Zahtjev za pokretanje postupka za ograničenje radnog vremena iz prethodnog člana ove Odluke na inicijativu građana podnose organi mjesne zajednice na čijem području se nalazi objekat.

Član 26.

(1) Pravno i fizičko lice, odnosno lice kome je ograničeno radno vrijeme može pokrenuti postupka za ukidanje ograničenja radnog vremena nakon isteka roka od 6 mjeseci od pravosnažnosti rješenja o ograničenju radnog vremena.

(2) Prilikom odlučivanja o zahtjevu iz prethodnog stava ovog člana potrebno je da se dostave dokazi da su u periodu trajanja ograničenja prestali razlozi zbog kojih je donijeto rješenje o kraćem radnom vremenu.

VII - NADZOR

Član 27.

Nadzor nad provođenjem ove Odluke vrše tržišne, ugostiteljske i druge nadležne inspekcije, te nadležna Policijska stanica II Cazin u slučajevima narušavanja javnog reda i mira.

VIII - KAZNE NE ODREDBE

Član 28.

Za postupanje suprotno odredbama zakona koji reguliraju oblast radnog vremena i suprotno odredbama ove Odluke, kaznene odredbe su definirane odredbama Zakona o ugostiteljskoj djelatnosti, Zakona o unutrašnjoj trgovini, Zakona o obrtu i srodnim djelatnostima i Zakona o igrama na sreću.

IX - PRIJELAZNE I ZAVRŠNE ODREDBE

Član 29.

Stupanjem na snagu ove Odluke prestaje da važi Odluka o utvrđivanju radnog vremena ugostiteljskoj i turističkoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Cazin broj: 01/OV-19-8753/10 od 30.06.2010.godine („Sl.novine Općine Cazin“, broj: 10/10).

Član 30.

Ova Odluka stupa na snagu danom donošenja, a ima se objaviti u “Službenim novinama Grada Cazin”.

Dostaviti:

1. Gradonačelniku,
2. Gradskom pravobranioцу,
3. Službi za poslove gradonačelnika,
4. Službi za privredu,
5. Služba za poljoprivredu,
6. Služba za upravljanje razvojem,
7. Služba za inspeksijske poslove,
8. Oglasna ploča Grada Cazin,
9. Kantonalna uprava za inspeksijske poslove,
10. Porezna uprava Cazin,
11. Druga policijska uprava, PS Cazin,
12. Web stranica Grad Cazin,
13. Službi za stručne poslove GV-a ,
14. Evidencija,
15. Arhiva.



Predsjedavajući GV-a:
Hozanović Rifet

